

**BOSNA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO POLJOPRIVREDE,
VODOPRIVREDE I ŠUMARSTVA
SARAJEVO**

**P R A V I L N I K
O IZMJENI PRAVILNIKA O OBUCI, CERTIFIKATU I REGISTRU
POLJOPRIVREDNIH SAVJETODAVACA**

Sarajevo, maj 2018. godine

Na osnovu člana 18. stav (5) Zakona o poljoprivrednim savjetodavnim službama ("Službene novine Federacije BiH", broj 66/13), federalni ministar poljoprivrede, vodoprivrede i šumarstva, donosi

**PRAVILNIK
O IZMJENI PRAVILNIKA O OBUCI, CERTIFIKATU I REGISTRU
POLJOPRIVREDNIH SAVJETODAVACA**

Članak 1.

U Pravilniku o obuci, certifikatu i registru poljoprivrednih savjetodavaca ("Službene novine Federacije BiH", broj 38/15) u članu 4. stav (1) u tački a) broj: "240", zamjenjuje se brojem: "180", a u tački b) riječi: "dvije godine" zamjenjuju se riječima: "jednu godinu".

Članak 2.

Ovaj pravilnik stupa na snagu narednog dana od dana objave u "Službenim novinama Federacije BiH".

MINISTAR

mr.sci. Šemsudin Dedić

**Broj: 04-24/1- /18
Sarajevo, maj 2018. godine**

O B R A Z L O Ž E N J E

I PRAVNI OSNOV

Pravni osnov za donošenje ovog pravilnika sadržan je u članu 18. stav (5) Zakona o poljoprivrednim savjetodavnim službama ("Službene novine Federacije BiH", broj 66/13) kojim je propisano da organizovanje i izvođenje obuke iz člana 19. st. (1) i (2) ovog Zakona, način i uslove polaganja stručnog ispita iz člana 15. stav (2) ovog Zakona, visinu naknade, obrazac certifikata savjetodavca, te sadržaj i način vođenja Registra savjetodavaca iz člana 18. ovog Zakona će propisat federalni ministar Pravilnikom o obuci, certifikatu i Registru savjetodavaca.

II RAZLOZI ZA DONOŠENJE

Tokom prezentacije Programa teoretske i praktične obuke za certifikovanje („Službene novine Federacije BiH“, broj, 103/17) i Programa obavezne godišnje obuke certifikovanih savjetodavaca („Službene novine Federacije BiH“, broj, 103/17), koja je održana po kantonima, i kojoj su prisustvovali predstavnici: resornih kantonalnih ministarstava, kantonalnih poljoprivrednih savjetodavnih službi, općinskih službi nadležnih za oblast poljoprivrede, Poljoprivrednog i prehrambeno – tehnološkog fakulteta Univerziteta u Sarajevu, Agronomskog i prehrambeno – tehnološkog fakulteta Sveučilišta u Mostaru, Biotehničkog fakulteta Univerziteta u Bihaću i Tehnološkog fakulteta Univerziteta u Tuzli, te predstavnici privatnog i javnog sektora, iznesene su primjedbe na uslove koje moraju ispunjavati fizička lica, koja se prijavljuju za obuku za certifikovanje.

Primjedbe se odnose na odredbe člana 4. Pravilnika o obuci, certifikatu i registru poljoprivrednih savjetodavaca („Službene novine Federacije BiH", broj 38/15):

- propisano stečeno zvanje isključuje lica koja su završila visoko obrazovanje prvog ciklusa, koji se vrednuje sa 180 ECTS bodova Bolonjskog sistema studiranja, čime se onemogućava uključivanje mladih osoba u postupak certifikovanja poljoprivrednih savjetodavaca,
- propisani uslov da fizičko lice koja se prijavljuju za obuku mora imati najmanje dvije godine radnog iskustva na poslovima iz oblasti poljoprivrede nakon sticanja zvanja onemogućava uključivanje većeg broja mladih osoba u postupak certifikovanja poljoprivrednih savjetodavaca.

Predložene izmjene Pravilnika o obuci, certifikatu i registru poljoprivrednih savjetodavaca („Službene novine Federacije BiH", broj 38/15) omogućavaju uključivanje lica koja su završila visoko obrazovanje prvog ciklusa, koji se vrednuje sa 180 ECTS bodova Bolonjskog sistema studiranja, kao i lica s jednom godinom radnog iskustva na poslovima iz oblasti poljoprivrede nakon sticanja zvanja.

III FINANSIJSKA SREDSTVA

Za implementaciju ovog pravilnika nisu potrebna dodatna finansijska sredstva iz Budžeta Federacije Bosne i Hercegovine.